

---

## “ДХХ кубоги”га старт берилди

Риштон туманида Ўзбекистон Республикаси Президентининг “Маҳаллаларда ёшлар билан янгича ишлаш тизимини такомиллаштириш чора-тадбирлари тўғрисида”ги ПҚ-92-сонли қарори, Маҳаллаларда ёшлар билан ишлаш масалаларини мувофиқлаштириш бўйича Республика комиссиясининг 2022 йил 18 мартдаги топшириғи ижросини таъминлаш, жумладан маҳаллаларда ёшларни маданият, санъат, спорт, ахборот технологиялари ва китоб ўқишга бўлган қизиқишини ҳар томонлама қўллаб-қувватлашга қаратилган беш ташаббусни жойларда кенг тарғиб этиш, уларни маънавий ва жисмоний баркамол қилиб турбиялашга қаратилган маънавий-маърифий, оммавий спорт тадбирларини ўтказиш, ёшларнинг ижтимоий фаоллигини ошириш режалаштирилган.

Риштон туманида спортнинг футбол, мини-футбол ва шахмат турлари бўйича “Давлат ҳафсизлик хизмати раиси кубоги” мусобақасига старт берилди. Ушбу мусобақа туманимиз 71 та маҳаллалар ўртасида 4 та секторларга бўлинган ҳолда апрел-май ойларида тумандаги 16-30 ёшгача бўлган уюлмаган ёшлар ўртасида ўтказилади.

Шу муносабат билан бугун Риштон туманида футбол бўйича “Давлат Ҳавфсизлик хизмати кубоги” спорт мусобақасининг очилиш маросими бўлиб ўтди.

Тадбирда туман ҳокими ўринбосари З. Умаров иштирок этиб, мусобақада қатнашадиган барча ёшларга омад ва зафарлар тилади ҳамда мусобақани очиқ деб эълон қилди.

Туманда ёшлар билан манзилли ишлаш тадбирлари самарадорлигини янада ошириш, ёшларнинг бўш вақтларини мазмунли ташкил этиш, улар ўртасида соғлом турмуш тарзини тарғиб этиш, спортнинг оммавийлигини ошириш мақсадида ташкилланган мусобақада маҳаллалар ёшлари катта қизиқиш ва фаоллик билан қатнашдилар.

Мусобақанинг дастлабки босқичи маҳалла фуқаролар йиғинлари кесимида, ҳудудий босқичи эса секторлар кесимида ўтказилади.

Мусобақа ғолиблари ва фаол иштирокчиларига махсус кубок, тегишли даражадаги диплом ва медаллар, эсдалик совғалари тантанали тарзда топширилади.

2022-04-04 13:36:22